

Ɔwulúá Paulo Lówanlín Sísí

Filemon

Itsiáha

1-2 Mí Paulo ání nda obu Kristo Yesu su pú aní pío Timoteo dé Ɔwulú ání wanlín. Aní dé mú wanlín sísí fú aní pío Ɔdwepú, fúgyi aní agyúmágyá Filemon, fú a aní pío tsíhé Apia mua aní agyúmágyá ání ogyi ísá Ɔkɔpú Arkipo mua Kristo Ɔpasua á múú butefia fú wóyító amu fée. 3 Aní Sí Bulu mua aní Wíe Yesu Kristo bogyí mli buale, abuha mli iwilwii.

Filemon Ɔdwe Pú Mu Hógyi

4 Opío Filemon, ntédá Bulu ipán fú nwunsv brégyíbréá nde mpái bɔ. 5 Tsúfé ndenu alá fude Bulu ahá fée dwe, fúde aní Wíe Yesu hógyitɔ kínkíínkín. 6 Nde Bulu kokóli mbée, Ɖháa afutali bla ahá fú hógyi twi asún, ménu íbéha fónu ito wankláán ání anilanyá Kristo búotɔ asi. 7 Mí pío, Ɖdweá fúbu lahá ansí de mí onutó óó gyí, ulawá mí atetɔ-ɔnlun. Tsúfé fú awitɔle lahá Bulu ahá klun ladí amú asi.

Paulo Ipabwíí Onesimo Nwunsv

8-9 Inu su nétalí wá klun kólí fú ató. Tektu mbu Ɖkpa híé fú mbée, fubwée tóá ilehián Kristo su. Táme Ɖdwe á múú mbu ha fú ámu su ndekléá nókulí fú mboún. Mú su tsu mú ání mí oyin dehen Paulo, ngyi fú nyáwíe Yesu su, séi nda obu dé fú kúlí. 10 Nde fú kokóli mbée, fuwúun mí bíá nda obu asa nakwíí mu, ogyi Onesimo nwe. 11 Mu dá ámu asi gyí Ɖbu labi. Tektu Ɖmɔwa labi há fú bréá Ɖlesrí sí fú, táme séi mú Ɖbu labi há mía funyɔ.

Flm

12Ntɔdwé mu tsú mí klvntɔ, táme nde mu yinkía sísí fú.
 13Teki ndekléá néha mu otsia fú otsiákpá mí wá nfi, ɔtsa mí
 bré ánfí nda obu Bulu *asun wankláán ámu ɔkan da su ánfí.
 14Táme mmedékléá nɔ́bwe tɔtɔ tsun fú ɔma. Mmedékléá
 néhúe fú é. Ndekléá itsu fú klvntɔ.

15Tsu mú fεε, Onesimo lésrí sí fú bré itinbítɔ́, méní ɔbéla
 betsiá fú wá bré féé. 16Ɔtráa omegyí ɔkpábi. Alamlí opió
 ɔdwepú onutónutó há mí. Múá idvɔn a, falányá ɔkpábi pú
 opió dvn mɪ séi.

17Mú su ní fuyin ání fú bá gyí mí á, múmú kpla mu wa
 ɔwɔtɔ fé alíá fɔ́bwe mí. 18Ní ɔɔpɔ ulá ku gyi fu, ntée ɔde
 fú ikɔ ku á, bu mú tswi mɪ. 19Mí Paulo onutó lapú mí ibi
 wanlín íni, “Néka fú.” (lma aleá nébli mbée, fú onutó ámu
 óó á, mílɔ́hɔ fu nkpa.) 20Íni su mí pío ɔdwepú, anɪ Wíe su
 wa labi ha mɪ. Ha klvɔn idɪ mí asɪ Kristo su.

21Nyin ání fónu mí ɔme bwé dínká tɔ́á nawánlínso. Nyin
 ání fɔ́bwe mú dvn alɪ kúráá. 22Mú ɔma a, bɔ mbódí afula
 ɔdikpa yai mí, tsúfé nde ɔkpa kíúá Bulu ɔbɔsɔ fu ɔnɔ́, néba
 mlɪ wá.

Uklá

23Epaфра ání mía munyɔ anuda obu Kristo Yesu su ɔhá
 fú itsiá. 24Alɪ kén mí agyúmáýɔbá Marko mua Aristarko pú
 Dema mua Luka é behá fú itsiá ní.

25Anɪ Wíe Yesu ogyíi mlɪ buale.